

Хойр джилә хот белдхәр икәр гүджрджәнә

Сарпинск районд эн джилин авр ик хурта-чиигтә болв. Теньгрин бәәдл шинджләд, агрономс, тәрә тәрлгъ сән мелдг, селәнә эдл-ахуд кәдлдг улс ик ургъцта джил болхми илднә. Ода мана теегәр кәк-рәд, намрар тәрси хар гуйр, кун байрлм сәәхнәр, тегш гарчкв.

Эн джил мана колхозмуд, совхозмуд хойр джилә малин хот белдхәр седжәнә. Белддж чигн чадхми, белдх чигн зөвтә.

Болв ногъан өвси ямаран сән хот болв чигн, эрдни-шишәлә әдлцдж чадшго. Эрдни-шишә—малд йоста гуйр мет. Тегәд бидн эн джил 26 миньгън гектар малин шимтә, сән хот ургәадж авхар чидл, уха-

седклән өгчәнәвди, „Степной“ совхоз 6 миньгън гектар эрдни-шишә тәрәд дуудж йовна. „Путь Ленина“ колхоз, Чапаевин нертә совхоз эрдни-шишә тәрх зурагъан күцәггәд дуусчкв.

Колхозмуд болн совхозмуд цуг техникән негн күртлнъ эрдни-шишән тәрлгънд орулв. Кәдлмшин гүджрлттә өдрмуд болджана.

Ода мана эрки тәр—тәрси эрдни-шишәгъан сәәнәр хәләдж, малдан сән хот кедж авхин тәлә болн эн джилин өвснә ик ургъцас хойр джилә хот белдхин тәлә, Приозерн района куч-кәлсчнрин дуудврар соцдөрлдә делгрүлдж зүткх тәр.

Н. ТИМАСОВ.